

四庫全書

集部

欽定四庫全書

唐詩鏡卷三十二

明 陸時雍 編

中唐第四

韓翃

字君平南陽人天寶十三年進士侯希逸表佐幕府府罷十年不仕李勉任宣武復辟之建中初以

駕部郎中知制誥終
中書舍人集五卷

七言古詩

送李湜下第歸衛州便遊河北

莫嗟太常屈便入蘇門嘯道在應未遲勿作我身料輕
雲日下不成陰出對流芳攪別心萬雉城東春水闊千
人鄉北晚花深舊竹青青常繞宅到時疎曠應自適佳
期總得上宮遊旅食還為北方客路出司州勝景長西
山翠色帶清漳仙人磯近茱萸澗銅雀臺臨野馬岡屢
道主人多愛士何辭策馬千餘里高譚魏國訪先生修
刺平原過內史一舉青雲在早秋恐君從此便淹留有
錢莫向河間用載筆須來闕下游

截首四語可作一絕
以下滔滔不屬情事

送萬巨

漢相見王陵揚州事張禹風帆水蘭楫水國蓮花府百
丈清江十月天寒城鼓角曉鐘前金鑪促膝諸曹吏玉
管繁聲美少年有時過向長干地遠對湖光近山翠好
逢南苑看人歸也向西池留客醉疎柳垂烟橘帶霜朝
遊石渚暮橫塘紅牋色奪風流座白紵詞傾翰墨場夫
子前年入朝後高名籍籍時賢口共憐詩興轉清新繼

遠家聲在此身屈指待為青瑣客回頭莫羨白亭人

善屬
詞

五言律詩

送高員外赴淄青使幕

遠水流春色回風送落暉人趨雙節近馬遞百花歸山
驛嘗官酒關城度客衣從來赤管筆提向幕中稀

四語
色勝

送客歸廣平

家在趙邯鄲歸心軌自歡
晚杯孤腋暖春雪馬毛寒
孟月途中破輕冰水上殘
到時楊柳色奈向故園看

三四
警句

題僧房

披衣聞客至關瑣此時開
鳴磬夕陽盡捲簾秋色來
名香連竹徑清梵出花臺
身在心無住他時到幾回

三四清脆題龍興寺澹公房復有
捲簾苔點淨下筋藥苗新之句

送客之上谷

北客悲秋色，田園憶去來。
披衣朝易水，匹馬夕燕臺。
風剪荷衣碎，霜迎栗罅開。
傷心知不淺，累月故人杯。

附題仙遊觀

仙樓下見五城樓風物淒淒宿雨收

山色遙連秦樹晚砧聲近報漢宮秋疎松影落空壇

靜細草香聞小洞幽何用別尋方

外去人間亦自有丹丘

幅窮

七言絕句

送齊山人歸長白山

舊事山人白兔公，掉頭歸去又乘風。
柴門流水依然在，一路寒花萬木中。

送客之鄂州

江口千家帶楚雲
江花亂點雪紛紛
春風落日誰相見
青翰舟中有鄂君

三句無著
四句恰好

附朱放送温台
隨人生一世長如客
何必今朝是別離
意格兩下

劉方平

河南人蓋邢襄公政會之後也
元魯山與之善
方平不仕蕭穎士云山東茂異有河南劉方平

詩一卷

五言絕句

采蓮曲

落日清江裏，荆歌艷楚腰。
采蓮從小慣，十五即乘潮。

長信宮

夢裏君王近，宮中雲漢高。
秋風能再熱，團扇不辭勞。

包何

字幼嗣，潤州延陵人，與弟倓齊名。皆融之子，大歷間為起居舍人。

五言律詩

送泉州李使君

傍海皆荒服，分符重漢臣。
雲山百越路，市井十洲人。
執

玉來朝遠還珠入貢頻連年不見雪到處即行春

調平

七言律詩

長安曉望寄崔補闕

迢遞山河擁帝京參差宮殿接雲平
風吹曉漏經長樂柳帶晴烟出禁城
天淨笙歌臨路發日高車馬隔塵行
自憐久住諸生列未得金閨籍姓名

語氣
娟淨

李嘉祐

字從一趙州人天寶七年進士調江陰令肅宗上元中為台州刺史大厯中刺棗州又嘗為中

臺郎故竇常贊之曰雅登郎位靜鎮方州其詩一卷因號晏閣集

五言律詩

潤州楊別駕宅送蔣侍御收兵歸揚州

沴氣清金虎兵威壯鐵冠揚旌川色暗吹角水風寒人對輜輶醉花垂睥睨殘美歸丞相閣空望舊門欄

春日淇上作

淇水春風漲鴛鴦逐浪飛清明桑葉小度雨杏花稀衛

女紅粧薄王孫白馬肥相將踏青去不解惜羅衣

有景色

仲夏江陰官舍寄裴明府

萬室邊江次孤城對海安朝霞晴作雨濕氣晚生寒苔
色侵衣桁潮痕上井欄題詩招茂宰思爾欲辭官

淺境自成

七言律詩

自蘇臺至望亭驛人家盡空春物增思悵然有

作因寄從弟紆

南浦菰蒲覆白蘋
東吳黎庶逐黃巾
野棠自發空流水
江燕初歸不見人
遠樹依依如送客
平田渺渺獨傷春
那看迴首長洲苑
烽火年年報虜塵

清而
雋

七言絕句

夜宴南陵留別

雪滿庭前月色閒
主人留客未能還
豫愁明日相思處

匹馬千山與萬山

盧綸

字允言河中人天寶亂客番陽大厯初舉進士不第元載取其文以補闕鄉尉遷監察御史輒稱疾

去累遷檢校戶部郎中嘗朝京師是時綸弟韋渠牟幸德宗表其才召見禁中帝有所作輒使廢和時與韓翃等十人皆有詩名號大厯十才子卒有集十卷行于世文宗尤愛其詩遣中人悉索其家笥得五百篇

盧綸粗
淺少文

七言古詩

難縮刀子歌

黃金鞘裏青蘆葉麗若剪成銛且翼輕冰薄玉狀不分
一尺寒光堪決雲吹毛可試不可觸似有蟲搜闕裂文
淬之幾墜前池水馬知不是蛟龍子割鷄刺虎皆若空
願應君心逐君指并州難縮竟何人每成此物如有神

膺日觀咸寧王部曲娑勒擒豹歌

山頭瞳瞳日將出山下獵圍照初日前林有獸未識名
將軍促騎無人聲潛形踈伏草不動雙鷗轉旋羣鴉鳴
陰方質子才三十譯語受詞番語揖捨鞍解甲疾如風

人忽虎蹲獸人立歛然扼頤批其頤爪牙委地涎淋漓
既蘇復吼拗仍怒果叶英謀生致之拖自深叢目如電
萬夫失色千馬戰傳呼賀拜聲相連殺氣騰凌陰滿川
始知縛虎如縛鼠敗虜降羌生眼前祝爾嘉詞爾無苦
獻爾將隨犀象舞苑中流水禁中山期爾攫搏開天顏
非熊之兆慶無極願紀雄名傳百蠻

中數語寫
得有色

五言律詩

送陳明府赴萍縣

素舸載陶公南隨萬里風
梅花成雪嶺橘樹當家僮
祠掩荒山下田開野荻中
歲終書善績應與古碑同

三四
異絕

附落第歸終南別業
久為名所誤春盡始歸山落
羽羞言命逢人強破顏
交疎貧病裏身老是非間不
及東溪月漁翁夜往還
隋削刻露是為中唐

七言律詩

尋賈山人園林

竹影朦朧松影長
素琴清簟好風涼
連春詩會烟花滿
半夜酒醒蘭蕙香
五字每將稱玉友
一樽曾不顧金囊
長沙流謫君非遠
莫遣英名負洛陽

長安望春

東風吹雨過青山
却望千門草色閒
家在夢中何日到
春生江上幾人還
川原繚繞浮雲外
宮闕參差落照間
誰念為儒逢世難
獨將衰鬢客秦關

三四語初盛人不出此岑參愁窺白髮蓋微
祿悔別青山憶故蹊隱隱已開大厯之漸

夜投豐德寺謁海上人
一作李端

半夜峯中有磬聲
偶尋樵者問山名
上方月曉聞僧語
下界林疎見客行
野鶴巢邊松最老
毒龍潛處水偏清
願得遠公知姓字
焚香洗鉢過浮生

三四流
利自成

至德中途中書事却寄李儋

亂離無處不傷情
況復看碑對古城
路遶寒山人獨去
月臨秋水雁空驚
顏衰重喜歸鄉國
身賤多慚問姓名

今日主人還共醉應憐世故一儒生

四語淒清六語
哀怨似帶騷情

附送崔琦赴宣州幕 五馬臨流待幕賓
羨君談笑出風塵
身閒就養寧辭遠
世難移家莫厭貧
天際曉山三峽路
津頭臘市九江人
何處遙知最惆悵
滿湖青草雁聲春
語出痛衷

附春日卧病示趙季黃 病中饒泪眼
常昏聞說花開亦閉門
語少漸知琴思苦
卧多唯覺鳥聲喧
黃埃滿市圖書賤
黑霧連山虎豹尊
今日支離顧形影
向君凡在幾重恩
景生實際

五言排律

奉和聖製麟德殿宴百寮

雲闕御筵張山呼聖壽長玉欄豐瑞草金陛立神羊台
鼎資庖膳天星奉酒漿蠻夷陪作位犀象舞成行網已
祛三面歌因守四方千秋不可極花發滿宮香

粗而
亦偉

和常舍人晚秋集賢院即事十二韻寄贈江南

徐薛二侍郎

綸閣九華前森沈綺仗連洞門開旭日清禁肅秋天霜
滿朝容備鐘餘漏唱傳搖璫陪羽扇端弁入爐烟麟筆

刪金篆龍綃薦玉編
汲書荀勗定漢史
蔡邕專御竹潛
通筍宮池暗瀉泉
亂蕪縈弱蕙
墜葉灑枯蓮
列署齊遊
日重江竝
謫年登封
思議草侍
講憶同筵
滄海風濤廣
黥山瘴雨偏
唯應緘上寶
贈遠一呈妍

語句
脩琢

從軍行

二十在邊城
軍行得勇名
卷旗收敗馬
占磧擁殘兵
覆陣烏鳶起
燒山草木明
塞閒思遠獵
師老厭分營
雪嶺

無人跡冰河有鴈聲
李陵甘此沒惆悵漢公卿

三四語
有氣決

題金吾郭將軍右伏茅堂

雲戟曙沈沈軒墀清且深
家傳成棟美堯寵結茅心
玉佩多依石油幢亦在林
鑪香諸洞暖殿影衆山陰
草奏風生筆筵開雪滿琴
客從龍闕至僧自虎溪尋
瀟洒延清賞風流會素襟
終朝息塵步一醉間華簪

句得稍琢
減粗翻痕

過樓觀李尊師

城闕望烟霞常悲仙路賒寧知樵子選得到葛洪家
犬吠松間月人行洞裏花留詩千歲鶴送客五雲車訪世
山空在觀碁日未斜不知塵俗士誰解種胡麻

五言絕句

和張僕射塞下曲

月黑鴈飛高單于夜遁逃欲將輕騎逐大雪滿弓刀

七言絕句

宮中樂

臺殿雲深秋色微
君王初賜六宮衣
樓船泛罷歸猶早
行遣才人鬪射飛

古艷詩

自拈裙帶結同心
暖處偏知香氣深
愛捉狂夫問閒事
不知歌舞用黃金

與從弟瑾同下第後出關言別

出關愁暮一沾裳
滿野蓬生古戰場
孤村樹色昏殘雨

遠寺鐘聲帶夕陽

過玉貞公主影殿

夕照臨牕起暗塵
青松繞殿不知春
君看白髮誦經者
半是宮中歌舞人

後二語倒寫
氣韵故長

華清宮

水氣朦朧滿畫梁
一迴開殿滿山香
宮娃幾許經歌舞
白首翻令憶建章

賊中與嚴越卿曲江看花

紅枝欲折紫枝殷，隔水連宮不用攀。
會待長風吹落盡，始能開眼向青山。

贈別李紛

頭白乘驢懸布囊，一迴言別淚千行。
兒孫滿眼無歸處，唯到樽前似故鄉。

李端

趙州人，李嘉祐之侄也。大曆五年進士，從郭曖遊。曖嘗進官，大集賓客賦詩，端最工。錢起曰：此素為

之請賦起姓端，立獻一章，又工于前客，乃服曖賜帛百匹，後移疾江南，仕至杭州司馬，有詩三卷。

五言古詩

古別離二首

水國葉黃時洞庭霜落夜行舟聞商估宿在楓林下此地送君還茫茫似夢間後期知幾日前路轉多山巫峽通湘浦迢迢隔雲雨天晴見海檣月落聞津鼓人老自多愁水深難急流清宵歌一曲白首對汀洲

與君桂陽別令君岳陽待後事忽差池前期日空在水落鴈嗷嗷洞庭波浪高遠山雲似蓋極浦樹如毫朝發

能幾里暮來風又起如何兩處愁皆在孤舟裏昨夜天
月明長川寒且清菊花開欲盡薺菜泊來生下江帆勢
速五兩遙相逐欲問去時人知投何處宿空令猿嘯時
泣對湘潭竹

風味絕
近何遜

留別柳中庸

惆悵流水時蕭條背城路離人出古亭嘶馬入寒樹江
南正風波挂蓬在何處

七言古詩

妾薄命

憶妾初嫁君花髮如綠雲迴燈入綺帳轉面脫羅裙折
步教人學偷香與客熏容顏南國重名字北方聞一從
失恩意轉覺身憔悴對鏡不梳頭倚牕空落淚新人莫
恃新秋至會無春從來閉住長門者必是宮中第一人

末語自負自傷若無
顏者固當自分耳

五言律詩

題崔端公園林

上士愛清輝，開門向翠微。
抱琴看鶴去，枕石待雲歸。
野坐苔生席，高眠竹挂衣。
舊山東望遠，惆悵暮花飛。

三四小
小結作

度關山

鴈塞月初晴，孤關覆雪平。
危樓緣廣漢，古竇傍長城。
拂劍金星出，翻弓玉羽鳴。
誰知係虜者，賈誼是書生。

琢句
而出

山中期吉中孚

行人路不同花落
到山中水暗蒹葭
霧月明楊柳風年
華驚已擲志業颯
然空何必龍鍾後
方期事遠公

三四當屬神境 人或疑此二句余
謂蒹葭自暗楊柳自明不妨並見

同苗員外宿薦福寺

安仁秋興動涼夜
宿僧房倚仗雲離
月垂簾竹有霜迴
風吹遠逕墮葉颯
長廊一與交親會
空貽別後傷

三語意態自在可愛秋日憶陳
人有好靜居貧寺遺名棄近山

宿華陽洞寄元稱

花洞晚陰陰
仙壇隔杏林
漱泉春谷冷
擣藥夜牕深
石上開山酒
松間對玉琴
戴家溪北住
雪後去相尋

附早春會王遠主人
今年華鬢色半在
故人中欲寫無窮恨
先期一醉同
綠叢猶覆雪
紅萼已凋風
莫負歸山契
君看陌上蓬

附送郭補闕歸江陽馬
影愁斜日鶯聲怨
故林

七言律詩

閒園即事贈考功王員外

南陌晴雲稍變霞
東風動柳水紋斜
園林帶雪潛生草
桃李雖春未有花
幸接上賓登鄭驛
羞為長女似黃家
今朝一望還成暮
欲別芳菲戀歲華

三四獨出風
華脫盡蹊徑

送濮陽錄事赴忠州

成名莫嘆雙旌遠
主印還為一郡雄
赤葉黃花隨野岸
青山白水映江楓
巴人夜話孤舟裏
越鳥春啼衆壑中
聞說古書多未校
肯令才子久西東

宿淮浦憶司空文明

愁心一倍長離憂
夜思千重戀昔遊
秦地故人成遠夢
楚天涼雨在孤舟
諸溪近海潮皆應
獨樹邊淮葉盡流
別恨最深何處寫
前程惟有一登樓

四語
清趣

五言絕句

聽箏

鳴箏金粟柱
素手玉房前
欲得周郎顧
時時誤拂絃

拜新月

開簾見新月，即便下階拜。
細語人不聞，北風吹裙帶。

有古
意

七言絕句

春晚遊鶴林寺寄使府諸公

野寺尋春花已遲，背巖唯有兩三枝。
平生攜酒猶堪醉，為報春風且莫吹。

唐詩鏡卷三十二

欽定四庫全書

唐詩鏡卷三十三

明 陸時雍 編

中唐第五

司空曙

字文明廣平人登進士第韋臯招致幕府授洛陽主簿貞元初為水部郎中終虞部郎中有集

卷二

五言律詩

送王先生歸南山

儒中年最老獨有濟南生愛子方傳業無官自耦耕竹
通山舍遠雲接雪田平願作門人去相隨隱姓名

送柳震入蜀

粉堞連青氣喧喧雜萬家夷人祠竹節蜀鳥乳桐花酒
報新豐景琴迎抵峽斜多聞滯遊客不似在天涯

送史由之峽州

峽口巴江外無風浪亦翻蒹葭新有鴈雲雨不離猿行
客思鄉遠愁人賴酒昏檀郎好聯句共滯謝家門

三四清穎
下語更鍊

送王閏

相送臨寒水蒼然望故關
江燕連夢澤楚雪入高山
話我他年舊看君此日還
因將自悲淚一灑別離間

後四語寫
意流動

雲陽館與韓紳宿別

故人江海別幾度隔山川
乍見翻疑夢相悲各問年
孤燈寒照雨濕竹暗浮煙
更有明朝恨離杯惜共傳

四語
沈痛

過慶寶寺

黃葉前朝寺無僧寒殿開池晴龜出曝松暝鶴飛回古
井碑橫草陰廊畫雜苔禪宮亦銷歇塵世轉堪哀

結
弱

送曹三同猗遊山寺

山踏青蕪盡涼秋古寺深何時得連策此夜更聞琴窮
水雲同穴過僧虎共林殷勤如念我遺爾挂冠心

五六
奇

附故郭婉儀挽歌 一日辭秦鏡千秋別漢宮
唯泉路掩長使月輪空 苦絕凝朝露悲聲切
瞑風婉儀餘舊德仍載禮經中
苦絕二字生強無味

七言律詩

閒園即事寄陳公

欲就東林寄一身尚憐兒女未成人
柴門客去殘陽在藥圃蟲喧秋雨頻
近水方同梅市隱曝衣多笑阮家貧
深山蘭若何時到美與閒雲作四鄰

秋日趨府上張大夫

重城洞啟肅秋煙，共說羊公在鎮年。
鼙鼓暗驚黃葉落，旌旗遙拂鴈行偏。
石過橋下書會受，星降人間夢已傳。
謫吏何能沐風化，空將歌頌拜車前。

五六出
語款致

贈衡岳隱禪師

擁褐安居南嶽頭，白雲高寺見衡州。
石窻湖水搖寒月，楓樹猿聲報夜秋。
講席舊逢山鳥至，梵經初向竺僧求。

自知身老將傳法因下人間遂此遊

長安曉望寄程補闕

迢遞山河擁帝京參差宮闕接雲平
風吹曉漏經長樂柳帶晴煙出禁城
天靜笙歌臨路發日高車馬隔塵行
獨有淺材甘未達多慚名在魯諸生

題陳上人院

閉門不出自焚香擁褐看山歲月長
雨後綠苔生石井秋來黃葉遍繩牀
身閒何處無真性年老曾言隱故鄉

更說本師同學在幾時攜手見衡陽

五言排律

晦日益州北池陪宴

臨泛從公日仙舟翠幕張
七橋通碧沼雙樹接花塘
玉燭收寒氣金波隱夕光
野聞歌管思水靜綺羅香
遊騎繁林遠飛橈截岸長
郊原懷灞澹陂澹寫江潢
常侍傳花詔偏裨問羽觴
豈令南峴首千載播餘芳

輕敲
細放

立秋日

律變新秋至蕭條自此初
花酣蓮報謝葉在柳呈疎
澹日非雲映清風似雨餘
卷簾涼暗度迎扇暑先除
草靜多翻鷺波澄乍露魚
今朝散騎省作賦興何如

小巧
家風

五言絕句

唐昌公主院看花

遺殿空長閉乘鸞自不回
至今荒草上寥落舊花開

留盧秦卿

知有前期在難分此夜中無將故人酒不及石尤風

四語安頓許意
古人有意如無

七言絕句

送盧徹之太原謁尚書

榆落鷗飛關塞秋黃雲盡角見并州
翩翩羽騎雙旌後上客親隨郭細侯

峽口送友人

峽口花飛欲盡春天涯
去住淚沾巾來時萬里
同為客
今日翻成送故人

意好第
格稍卑

病中遣妓

萬事傷心在目前
一身憔悴對花眠
黃金用盡教歌舞
留與他人樂少年

直而擊故詠
之自覺可傷

附登峴山亭
峴山回首望秦關
南向荊州幾日還
今日登臨唯有淚
不知風景在何山
強作無情之

淚自是詩
家習氣

耿漳

河東人代宗寶應二年進士為大理司法終于左拾遺詩二卷

五言古詩

發南康夜泊贛石中

倦客乘歸舟春溪杳將暮羣林結暝色孤泊有佳趣
夜山轉長江赤月吐深樹颯颯松上吹泥泥花間露
險石俯潭渦跳湍礙沿汭豈唯垂堂戒兼以臨深懼
稍出回鴈峯明登斬蛟柱連雲向重山杳未見鍾路

老氣

五言律詩

華州客舍奉和崔端公春城曉望

不語看芳徑悲春懶獨行
向人微月在報雨早霞生
貧病催年齒風塵掩姓名
賴逢驄馬客郢曲緩羈情

三四新嫩
六語足痛

過三郊驛却寄楊評事時此子郭令公欲有表

薦

冉冉青衫客悠悠白髮人亂山孤驛暮長路百花新
終歲行他縣全家望此身更思君去就早晚問平津

題莊上人房

不語焚香坐心知道已成流年哀此世定力見他生
暮雪餘春冷寒燈獨晝明尋常五侯至敢望下階迎

遊鍾山紫芝觀

繫舟仙宅下清磬落春風雨數芝田長雲開石路重
古房清磴接深殿紫烟濃鶴駕何時去游人自不逢

雲間石路重
重字得景

登沃州山

沃州初望海攜手盡時髦
小暑開鵬翼新冥長鷺濤
月如芳草遠身比夕陽高
羊祜傷風景誰云異我曹

三四
新異

代宋州將淮上乞師

唇齒幸相依危亡故速歸
身輕百戰出家在數重圍
上將堅深壘殘兵鬪落暉
常聞鐵劔利早晚借餘威

三四實
歷境成

邠州留別

終歲山川路生涯總幾何艱難為客慣貧賤受恩多暮
角寒山色秋風遠水波無人見惆悵垂鞚入煙蘿

七言律詩

朝下寄韓舍人

侍臣鳴珮出西曹鸞殿分階翊綵旄瑞氣迴浮青玉案
日華遙上赤霜袍花間焰焰雲旗合鳥外亭亭露掌高

肯念萬年芳樹裏隨風一葉在蓬蒿

奉和李觀察登河中白樓

城上高樓飛鳥齊從公一遂躡丹梯黃河曲盡流天外
白日輪輕落海西玉樹九重長在夢雲衢一望杳如迷
何心更和陽春奏況復秋風聞戰鼙

語氣
飽湛

五言排律

和王懷州觀西營秋射

謝公親校武草碧露漫漫落葉停高駕空林滿從官迎
籌皆疊鼓揮箭或移竿名借三軍勇功推百中難主皮
山郡晚飲算柳營寒明日開鈴閣新詩雙玉盤

五言絕句

秋日

反照入閭巷憂來與誰語古道無人行秋風動禾黍

嚴維

字正文越州人武德二年進士為校書郎諸暨及河南尉又充河南嚴中丞幕府終校書郎詩一卷

五言律詩

酬劉員外長卿見寄

蘇耽佐郡時近在白雲司藥補清羸疾牕吟絕妙詞柳
塘春水漫花塢夕陽遲欲識懷君意明朝訪檝師

五六
景佳

留別鄒紹劉長卿

中年從一尉自笑此身非道在甘微祿時難恥息機晨
趨本郡府晝掩故山扉待得干戈畢何妨更採薇

三四語有商
略絕似少陵

九日陪崔峒郎中北山宴

上客南臺至重陽此會文菊芳寒露洗杯翠夕陽曛務
簡人同醉溪閒鳥自羣府中官最小唯有孟參軍

附和皇甫冉夏日遊華嚴寺
初地華嚴會王家少
長行到宮龍節駐禮塔鴈行成蓮界千峯靜梅天一
雨清禪庭未可
總聖主寄蒼生

附送李秘書往儋州
魑魅曾為伍蓬萊近拜郎臣
心膽北闕家事在南荒莎草山城小毛洲海驛長玄
成知必大寧
是泛滄浪

七言律詩

送崔峒使往睦州兼寄薛司戶

如今相府用英髦，獨往南州肯告勞。
永水近開漁浦出，雪雲初捲定山高。
木奴花映桐廬縣，青雀舟隨白露濤。
使者應須訪廉吏，府中惟有范功曹。

五言排律

奉和劉祭酒傷白馬

沛艾如龍馬來從，上苑中棣華恩見。
賜伯舅禮仍崇鏡，點黃金眼花開白。
雪驄性柔君子德，足逸大王風色點。

鳴珂淨聲連噴玉雄食場恩未盡過隙命旋終練影依
雲沒銀鞍向月空仍聞樂府唱猶念代勞功

五言絕句

江南三月

江南季春天萼菜細如絃湖邊草作逕湖上葉如船

語趣

七言絕句

發桐廬寄劉長卿員外

處處雲山無盡時
桐廬南望轉參差
舟人莫道新安近
欲上潺潺行自遲

章八元

睦州桐廬人大曆六年進士貞元中調句容主簿有詩集今傳于世一卷

五言律詩

新安江行

江源南去水野渡暫維梢
古戍懸魚網空林露鳥巢
雪晴山脊見沙淺浪痕交
自笑無媒者逢人即解嘲

三四
清出

常袞

京兆人登進士第為中書舍人代宗拜門下侍郎同平章事德宗建中初為福建觀察使始教閩人

知學

五言排律

晚秋集賢院即事寄徐薛二侍郎

穆穆上清居沈沈中秘書金鋪深內殿石甃盡寒渠花
樹臺斜倚宮煙閣半虛縹囊鋪錦繡翠軸卷瓊瑤墨潤
冰文繭香銷蠹字魚翻黃桐葉老吐白桂花初舊德雙
遊處聯芳千載餘北朝榮庾薛西漢盛嚴徐侍講親華

宸徵詩步綺疎綴簾金翡翠賜硯玉蟾蜍移秩東南遠
離憂歲月餘承明期重入江海意何如

整而
湛

張繼字懿孫兗州人登天寶十二年進士第大歷末授檢校戶部員外郎分掌財賦于洪州詩一卷

五言絕句

感懷

調與時人背心將靜者論經年帝城裏不識五侯門

長相思

遼陽望河縣白首無由見海上珊瑚枝年年寄春燕

七言絕句

楓橋夜泊

此地有半夜鐘謂之無常鐘繼志其異耳歐陽以為語病非也

月落烏啼霜滿天江楓漁火對愁眠
姑蘇城外寒山寺夜半鐘聲到客船

沈傳師

七言古詩

次潭州酬唐侍御姚員外遊道林岳麓寺題示

承明年老輒自論
乞得湘守東南奔
為聞楚國富山水
青嶂邈迤僧家園
含香珥筆皆眷舊
謙抑自忘臺省尊
不令執簡候亭館
直許攜手遊山樊
忽驚列岫曉來逼
朔雪洗盡煙嵐昏
碧波迴遶三山轉
丹檻繚郭千艘屯
華鑣躑躅絢沙步
大旆綵錯輝松門
樛枝競鶩龍蛇勢
折幹不減風霆痕
相重古殿倚巖腹
別引新徑縈雲根
目傷平楚虞帝魂
情多思遠聊開樽
危絃細管逐歌飄
畫鼓繡靴隨節翻
鏘金七言凌老杜
入木八法蟠高軒

嗟余潦倒久不知忍復感激論元元

顧況

字通翁姑蘇人至德進士性恢諧與柳渾李泌為方外友德宗時渾輔政召為秘書郎及泌為相自

謂得達官久之遷著作郎坐詩語嘲諷貶
饒州司戶居華山以老壽終有集二十卷

五言古詩

從軍行

殫節結徒侶速征赴龍城單于近突圍烽燧屢夜驚長
弓挽滿月劍華霜雪明遠道百草殞峭覺寒風生風寒
欲砭肌爭奈裘襖輕回首家不見候鴈空中鳴笳奏還

以哀肅肅趣嚴程寄語塞外胡擁騎休橫行

有風
格

七言古詩

公子行

輕薄兒面如玉紫陌春風纏馬足雙鞵懸金縷鶻飛長
衫刺雪生犀束綠槐夾道陰初成珊瑚幾節敵流星紅
肌拂拂酒光凝當街背拉金吾行朝遊瑟瑟鼓聲發暮
遊瑟瑟鼓聲絕入門不肯自升堂美人扶踏金堦月

絕有
意致

八月五日歌

四月八日明星出摩耶夫人降前佛八月五日佳氣新
昭成太后生聖人開元九年燕公說奉詔聽置千秋節
丹青廟裏貯姚宋花萼樓中宴岐薛清樂靈香幾處聞
鸞歌鳳吹動祥雲已于武庫見靈鳥仍向晉山逢老君
率土普天無不樂河清海晏窮寥廓梨園子弟傳法曲
張果先生進仙藥玉座淒涼遊帝京悲翁回首望承明

雲韶九奏杳然遠
唯有五陵松柏聲

悲歌

邊城路今人犁田昔人墓
岸上沙昔時江水今人家
今人昔人共長嘆
四氣相催節迴換
明月皎皎入華池
白雲離離渡青漢
我欲昇天天隔霄
我欲渡水水無橋
我欲上山山路險
我欲吸井井泉遙
越人翠被今何夕
獨立沙邊江草碧
紫燕西飛欲寄書
白雲何處蓬萊客

起饒感慨我欲四
語意調未得高遠

攀龍引

軒轅黃帝初得僊鼎湖一去三千年周流三十六洞天
洞中日月星辰聯騎龍駕景遊八極軒轅弓劍無人識
東海青童寄消息

數語自
足了當

露青竹杖歌

鮮于仲通正當年章仇兼瓊在蜀川約束蜀兒採馬鞭
蜀兒採鞭不敢眠橫截斜飛飛鳥邊繩橋夜上層崖巔

頭插白雲捧飛泉採得馬鞭長且堅浮溫丁子珠聯聯
灰煮蠟指光爛然章仇兼瓊持上天上天雨露何其偏
飛龍閑廐馬數千朝飲吳江夕秣燕紅塵撲轡汗濕韉
獅子麒麟聊比肩江面昆明洗刷牽四蹄踏浪頭枿天
蛟龍稽顙河伯虔拓羯胡雛脚手鮮陳閔韓幹丹青妍
欲貌未貌眼欲穿金鞍玉勒錦連乾騎入桃花楊柳煙
十二樓中奏管絃樓中美人奪神仙爭愛大家把此鞭
祿山入關關破年忽見揚州北邙前祇有人還千一錢

亭亭筆直無皺節磨將形相一條鐵市頭格是無人別
江海賤臣不拘綆垂牕挂影西牕缺稚子覓衣挑仰穴
家童拾薪幾拘折玉潤猶沾玉壘雪碧鮮似染萇弘血
蜀帝城邊子規咽相如橋上文君絕往年策馬降至尊
七盤九折橫劍門穆王八駿超崑崙安用冉冉孤山根
聖人不貴難得貨金玉珊瑚誰買恩

不嫌
潦倒

遠思曲

新繫青絲百尺繩
心在君家轆轤上
我心皎潔君不知
轆轤一轉一惆悵
何處春風吹曉幕
江南淶水通朱閣
美人二八顏如花
泣向春風畏花落
臨春風聽春鳥別
時多見時少
愁人一夜不得眠
瑤井玉繩相對曉

動自
振絕

七言律詩

送大理張卿

春色依依傷解攜
月卿今夜泊隋堤
白沙洲上江蘿長

綠樹村邊謝豹啼，遷客本來無倚仗。故人相去隔雲泥，越禽唯有南枝分目送。鴻飛向西

清徑

五言排律

樂府

暖谷春光至宸遊近，甸榮雲隨天仗轉。風入御簾輕翠蓋，浮佳氣朱樓倚。太清朝臣冠劍退宮女，管絃迎細草。承雕輦，繁花入幔城。文房開聖藻，武衛宿天營。玉醴隨

觴至銅壺逐漏行
五星含土德萬姓徹中聲
親祀先崇典躬推示勸
耕國風新正樂農器近銷
兵道德關河固刑章日月
明野人同鳥獸率舞感昇平

送從兄奉使新羅

六氣銅渾轉三光玉律調
河宮清奉賚海岳晏來朝
地接提封入天平賜貢饒
揚威輕破虜柔服恥征遼
曙色黃金闕寒聲白鷺潮
樓船方習戰驄馬是嘉招
帝女飛銜石鮫人賣淚綃
管寧雖不偶徐穉倘相邀
獨島懸空

翠孤霞上沈寥蟾蜍同漢月
蟬蛩異秦橋水豹橫吹浪
花鷹迴拂霄晨裝凌渺漭
夜泊記招搖幾路通玄嶠
何山是沃焦颶風晴自起
陰火暝潛燒鬢髮成新髻
人參長舊苗扶桑迎日近
析木帶津遙夢向愁中積
菟當別處銷臨川思結網
見彈欲求鵬共散羲和歷
誰差甲子朝滄波仗忠信
譯語辨謳謠疊鼓鯨鱗隱
陰帆鷁首飄南溟垂大翼
西海飲文鯢指景尋靈草
排雲聽洞簫封侯萬里外
未肯後班超

氣鍊故語
不琢而堅

五言絕句

憶鄱陽舊遊

悠悠南國思
夜向江南泊
楚客斷腸時
月明楓子落

末句
風味

溪上

採蓮溪上女
舟小怯搖風
驚起鴛鴦宿
水雲撩亂紅

景趣佳絕
令人腸斷

洛陽陌二首

鶯聲滿御堤
隄拂柳絲齊
風送名花落
香紅襯馬蹄

末語
芬

珂珮逐鳴騶
王孫結伴遊
金丸落飛鳥
乘興醉青樓

七言絕句

王郎中席歌妓

柳拂青樓花滿衣
能歌宛轉世應稀
空中幾處聞清響
欲遠行雲不遣飛

宮詞

玉樓天半起笙歌
風送宮嬪笑語和
月殿影開聞夜漏
水晶簾捲近秋河

江上故居

家在雙峯蘭若邊
一聲秋磬發孤烟
山連極浦鳥飛盡
月上青林人未眠

末句
佳

和宮女題紅葉

愁見鶯啼柳絮飛上陽宮女斷腸時君恩不禁東流水
葉上題詩寄與誰

更一轉意
自覺怨甚

山中聽子規

幽人自愛山中宿又近葛洪丹井西牕中有箇長松樹
半夜子規來上啼

輕便却近
竹枝詞體

湖中

青草湖邊日色低
黃茅嶂裏鷓鴣啼
丈夫飄泊今如此
一曲長歌楚水西

竹枝詞

帝子蒼梧不復歸
洞庭葉下楚雲飛
巴人夜唱竹枝後
腸斷曉猿聲漸稀

憶故園

惆悵多山人復稀
杜鵑啼處淚沾衣
故園此去千餘里
春夢猶能夜夜歸

末句巧
于寓意

宿昭應

武帝祈靈太乙壇
新豐樹色遶千官
那知今夜長生殿
獨閉空山月影寒

附聽角思歸 故園黃葉滿青苔
夢後城頭曉角 哀此夜斷腸人
不見起行殘月影徘徊 意盡

唐詩鏡卷三十三

欽定四庫全書

集部

唐詩鏡卷三十四至
六

詳校官庶吉士 范逢恩

主事銜 臣 徐以坤 覆勘

總校官編修 臣 王燕緒

校對官編修 臣 張 燾

謄錄監生 臣 朱 恒

欽定四庫全書

唐詩鏡卷三十四

明 陸時雍 編

中唐第六

陳潤

五言律詩

賦得秋河曙耿耿

曉望秋高夜微明欲曙河橋成鵲已去機罷女應過月

上殊開練雲行類動波尋源不可到耿耿復如何

淺

馬異

五言律詩

暮春醉中寄李干秀才

歡異且交親酒生開甕春不須愁犯卯且乞醉過申折
草為籌筍鋪花作錦裯嬌鶯解言語留客也慙慙

附答盧仝結交詩 有鳥南翔口銜一書札達我山之維開緘金玉煥陸離乃是盧仝結交詩此詩峭絕

天邊格力與文星色相射長河拔作數條絲太華磨
成一拳石莫嗟獨秀無往還月中丹桂難追攀況值
亂邦不平年迴陵倒谷如等閒與君佞首大艱阻喙
長三尺不得語因君今日形章句羨獮猴兮着衣裳
悲蚯蚓兮安翅羽上天不識察仰我為遼天夫所將
吾劍兮切淤泥使良驥兮捕老鼠昨日脫身卑賤籠
卯星借與老人峯抱鋤創地芸芝朮偃蓋參天舊有
松朮與松兮保身世卧居居兮起吁吁漱潺潺兮聆
嘒嘒道在其中可終歲不教辜負竟為帝燒我荷衣
推我身回看天地如砥平鋼刀剗骨不辭去畢躬君
子今明明俛首辭山心慘惻白雲雖好戀不得看雲
且擬直須更病風又卷西飛翼為報卑懷新結交死
生富貴存後凋我心不畏朱公叔君意須防劉考標
以膠投漆苦不早就中相去萬里道河水悠悠山之
間無由把袂擁懷抱憶全吟能文洽臭成蘭
薰不知何處清風夕擬使張華見陸雲

衛象

字長林大厯間司空
曙同時人官為侍御

七言絕句

古詞

鵲血凋弓濕未乾
鷓鴣龍劍夜光寒
遼東老將鬢如雪
猶向旄頭夜夜看

李正封

五言古詩

詠露

霏霏靈液重雲表無聲落霑樹急玄蟬灑池淒皓鶴流
塵清遠陌飛月澄高閣宵潤玉堂簾曙寒金井索佳人
比珠淚坐感空綃薄

附貢院樓北新栽小松 青蒼初得地華省植來新
尚帶山中色猶含洞裏春近樓依北戶隱砌淨遊塵
鶴壽應成蓋龍形未有鱗為梁質大厦
封爵耻羸秦幸此觀光日清風屢得親

長孫翺

肅代
時人

七言絕句

宮詞

一道甘泉出御溝，上皇行處不曾秋。
誰言水是無情物，也到宮前咽不流。

病出之
太淺

崔護

七言絕句

題城南詩

去年今日此門中，人面桃花相映紅。
人面祇今何處去，桃花依舊笑春風。

附三月三日陪裴大夫泛長沙東湖有湖光迷翡翠
草色醉晴烟之句

附冷朝陽立春 玉律傳佳節青陽應北辰
歲稔餘燕表年春臘盡星迴次寒餘月建寅風光何

處好雲物望中新流水初銷凍潛魚
欲振鱗梅花將柳色偏思越鄉人

戎昱

荆南人登進士第街伯玉鎮荆南辟為從事德宗
建中中為辰虔二州刺史京兆尹李鑾欲以女妻

之令改
姓昱辭

五言古詩

長安秋夕

八月更漏長愁人起常早閉門寂無事滿院生秋草昨

宵北窻夢先入荆南道
遠客歸去來在家貧亦好

七言古詩

聽杜山人彈胡茄歌

綠琴胡茄誰妙彈
山人杜陵名庭蘭
杜君少與山人友
山人沒來今已久
當時海內求知音
囑付胡茄入君手
杜陵攻琴四十年
琴聲在音不在絃
座中為我奏此曲
滿堂蕭瑟如窮邊
第一第二拍淚盡
蛾眉沒蕃客更聞
出塞入塞聲穹廬
毳帳難為情胡天
雨雪四時下五月

不曾芳草生須臾促軫變宮徵一聲悲兮一聲喜南省
漢月雙眼明却顧胡兒寸心死回鶻數年收洛陽洛陽
士女皆驅將豈無父母與兄弟聞此哀情皆斷腸杜陵
先生證此道沈家祝家皆絕倒如今世上雅風衰若箇
深知此聲好世上愛箏不愛琴即明此調難知音今朝
促軫為君奏不向俗流傳此心

忼憤歷拉聲
與胡笳相擬

五言律詩

和蕃

漢家青史上計拙是和親社稷依明主安危託婦人豈
能將玉貌便擬靜胡塵地下千年骨誰為輔佐臣

三四怨而理此言有
禪國計殆不徒作

再赴桂州先寄李大夫

玷玉甘長棄朱門喜再遊過因讒後重恩合死前酬養
驥須憐瘦我松莫厭秋今朝兩行淚一半血和流

三四宛轉沉痛足匹
少陵深哀料理語

附桂州臘夜 坐到三更盡歸仍萬里 餘雪聲偏傍
竹寒夢不離家 曉角分殘漏孤燈落碎花 二年隨驛
騎辛苦向天涯
附冬日宴梁十三廳 故人能愛客東壩會吾曹家
為朋徒罄心緣翰墨勞夜寒消臘酒霜冷重綈袍醉
卧西窗下時聞馬響高

七言律詩

江城秋霽

霽後江城風景涼 豈堪登眺只堪傷 遠天蟠踈收殘雨
映水鷗鷺近夕陽 萬事無成空過日 十年多難未還鄉
不知何處消茲恨 轉覺愁隨夜夜長

近字不
得力

七言絕句

湖南春日二首

自憐春日客長沙
江上無人轉憶家
光景却添鄉思苦
簷前數片落梅花

三湘漂寓若流萍
萬里江鄉隔洞庭
羈客春來心欲碎
東風莫遣柳條青

塞下曲

漢將歸來虜塞空
旌旗初下玉關東
高蹄戰馬三千匹
落日平原秋草中

戲贈張使君

數載蹉跎罷縉紳
五湖乘興轉迷津
如今野客無家第
醉處尋常是主人

旅次寄湖南張郎中

寒江近戶漫流聲
竹影當窻亂月明
歸夢不知湖水濶
夜來還到洛陽城

附感春 者花淚盡知春盡 斷者花祇恨春名位
未霑身欲老 詩書字救眼前貧

蔣防

五言排律

賦得秋月懸清輝

秋月沿霄漢 亭亭委素輝
山明桂花發 池滿夜珠歸
入戶人偏攬 臨枝鵲正飛
影連平野靜 輪度曉雲微
晶晃浮輕露 徘徊映薄帷
此時千里道 延望獨依依

舒元興

七言古詩

橋山懷古

軒轅厭代千萬秋，淶波浩蕩東南流。今來古往無不死，
獨有天地長悠悠。我乘驛騎到中部，古聞此地為渠搜。
橋山突兀在其左，荒榛交鎖寒風愁。神仙天下亦如此，
况我感促如蜉蝣。誰言衣冠葬其下，不見弓劍何人收。
哀喧叫笑牧童戲，陰天月落狐狸遊。却思皇墳立人極，
車輪馬跡無不周。洞庭張樂降玄鶴，涿鹿大戰摧蚩尤。

智勇神天不自大風后力牧輸長壽襄城迷路問童子
帝鄉歸去無人留崆峒求道失遺跡荆山鑄鼎餘荒丘
君不見黃龍飛去山下路斷髯成草風颼颼

氣魄
掀揭

劉太真

五言古詩

繼三使君詩并序

顧十二左遷過韋蘇州房杭州韋睦州三使君皆有

郡中燕集詩因亦成篇

寵至乃不驚罪得非無由奔迸歷畏途緬邈赴偏陬
此彫敝疇屬當賦斂秋夙興諒無補旬暇焉敢休前日
懷友生獨登城上樓迢迢西北望遠思不可收今日車
騎來曠然銷人憂晨迎東齋飯晚度南溪遊以我碧流
水泊君青翰舟莫將遷客程不為勝景留飛札謝三守
斯篇希見酬

穩貼

張南史

字季真幽州人以試參軍避亂居揚州再召未赴而卒詩一卷

七言律詩

陸勝宅秋雨中探韻

同人永日自相將
深竹閒園偶辟疆
已被秋風教憶鱸
更聞寒雨勸飛觴
歸心莫問三江水
旅服徒霑九月霜
醉裏欲尋騎馬路
蕭條幾處有垂楊

音律
溜亮

附張泉甫寄典國池鶴上劉相公
馴狎經時久
襪短翻存不
隨淮海變空
塊
稻梁恩獨立
秋天淨單

棲夕露繁欲飛還
飲翼誰敢望乘軒

李益

字君虞隴西姑臧人始八歲燕戎亂華大曆四年登第出身二十三受末秩從事十八載多在兵間

有心疾不見用後為幽州劉濟屯田副使獻詩有感
思知有地不上望京樓之句憲宗聞其名召為秘書
少監負才凌下官幽州時有怨望語降秩尋復為太
子賓客轉散騎常侍後遷禮部尚書致仕卒有集二

卷行
于世

五言古詩

漢中月下寄楊子尉封亮

蘅若奪幽色
銜思恍無惊
宵長霜露多
歲晏淮海風
團

園山中月三五離夕同露凝朱絃絕觴至蘭玉空清光
液流波盛明難再逢常恐河漢遠坐窺煙景窮小人諒
處陰君子樹大功永願厲高翼慰我丹桂叢

清
葉

將赴朔方早發漢武泉

弭蓋出故關窮秋首邊路問我此何為平生重一顧風
吹山下草繫馬河邊樹奉役良有期回瞻終未屢去鄉
幸未遠戎衣今已故豈惟幽朔寒念我機中素去矣勿

復言所酬知音遇

自朔方還與鄭式瞻崔稱鄭子周岑贊同會法
雲寺三門避暑

予本疎放士竭來非外橋誤落邊塵中愛山見山少始
投清涼宇門值煙岫表參差互明滅彩翠竟昏曉泠泠
遠風來過此羣木杪英英二三彥襟曠去煩擾游川出
潛魚息陰勸飛鳥徇物不可窮唯於此心了

愛山見山少
是一佳句

入華山訪隱者經仙人石壇

三考四嶽下官曹少休沐久負青山諾今還獲所欲常
聞玉清洞金簡投玄籙夙駕昇天行雲遊恣霞宿平明
矯輕策捫石入空曲仙人古石壇苔遠青瑤局陽桂凌
烟紫陰蘿冒水綠隔世聞丹經懸泉注明玉前驚羽人
會白日天居肅問我將致辭笑之自相目竦身雲遂起
仰見雙白鵲墮其一紙書文字類烏足視之了不識三
返又三復歸來問方士舉世莫解讀何必若蜉蝣然後

為跼促鄙哉宦游子身志俱降辱再往不及期勞歌叩

山木

綽有古趣可作
青蓮後一人

華陰東泉同張處士詣藏律師兼簡縣內同官

因寄齊中書

蒼崖抱寒泉淪照洞金碧潛鱗孕明晦山靈闕幽蹟前
峯何其詭萬變窮日夕松老風易悲山秋雲更白故人
邑中吏五里僊霧隔美質簡瓊瑤英聲鏗金石煩君竟

相問問我此何適我因贊時理書寄西飛翮哲匠熙百
工日月被光澤大國本多士荆岑無遺壁高網彌八紘
皇圖明四闢羣材既兼暢顧我在草澤貴無身外名賤
有區中役忽忽百齡內殷殷千慮迫人生已如寄在寄
復為客舊國不得歸風塵滿阡陌

罷秩後入華山採茯苓逢道者

委綬來名山觀竒恣所傳山中若有聞言此不死庭遂
逢五老人一謂西嶽靈或聞樵人語飛去入昴星授我

出雲路蒼然凌石屏視之有文字乃古黃庭經左右長
松列動搖風露零上蟠千年枝陰虬負青冥下結九秋
靈流膏為茯苓取之砂石間異若龜鶴形况聞秦宮女
華髮變已青有如上帝心與我千萬齡始疑有仙骨鍊
竟可永寧何事逐豪遊飲啄以羶腥神物亦自悶風雷護
此扃欲傳山中寶回策忽已暝乃悲世上人求醒終不
醒

華山南廟

陰山臨古道古廟閉山碧落日秋草中
塞芳薦瑤席明靈達精意髣髴如不隔
巖雨神降時回颺入松柏常聞坑儒後
此地返秦璧自古害忠良神其輔宗祏

蓮塘驛

五月渡淮水南行逸山陂江村遠雞應竹裏聞
綠絲楚女肌髮美蓮塘煙露滋菱花覆碧渚
黃鳥雙飛時渺渺泝洄遠憑風託微詞斜光動
流睇此意難自持女歌本輕艷客行多怨思
女蘿蒙幽蔓擬上青桐枝

麗 寄言
微結意遠

遊子吟

女羞夫婿薄客耻主人賤
遭遇同衆流低回媿相見
君非青銅鏡何事空照面
莫以衣上塵不謂心如練
人生當榮盛待士勿言倦
君看白日馳何異弦上箭

古而
絢

雜曲

妾本蠶家女不識貴門儀
藁砧持玉斧交結五陵兒
十

日或一見九日在路歧人生此夫婿富貴欲何為楊柳
徒可折南山不可移婦人貴結髮寧有再嫁資嫁女莫
望高女心願所宜寧從賤相守不願貴相離藍葉鬱重
重藍花若榴色少婦歸少年華光自相得誰言配君子
以奉百年身有義即夫婿無義還他人愛如寒爐火棄
若秋風扇山嶽起面前相者不相見丈夫非小兒何用
強相知不見朝生菌易成還易衰征客欲臨路居人還出
門北風河梁上四野愁雲繁豈不戀我家夫婿多感恩

前程有日月，勲績在河源。
少婦馬前立，請君聽一言。
春至草亦生，誰能無別情。
殷勤展心素，見新莫忘故。
遙望孟門山，殷勤報君子。
既為隨陽鴈，勿學西流水。
嘗聞生別離，悲莫悲於此。
同器不同榮，堂下即千里。
與君貧賤交，何異萍上水。
託身天使然，同生復同死。

古意叠見更當
使簡鍊得佳

七言古詩

大禮畢皇帝御丹鳳門改元建中大赦

大明曠曠天地分六龍負日升天門鳳凰飛來銜帝籙
言我萬代金皇孫靈雞鼓舞承天赦高翔百尺垂朱幡
宸居穆清受天歷建中甲子合上元昊穹景命即已至
王事乃可酬乾坤升中告成答玄貺泥金檢玉昭鴻恩
云亭之事畧可記七十二君寧獨尊小臣欲上封禪表
久而未就歸陵園

鴻藻

效古促促曲為河上思婦作

促促何促促黃河九回曲嫁與棹船郎空牀將影宿不
道君心不如石那令妾貌長如玉

古別離

雙劍欲別風淒然雌沈水底雄上天江回漢轉兩不見
雲交雨合知何年古來萬事皆由命何用臨歧苦涕漣

野田行

日沒出古城野田何茫茫寒狐嘯青塚鬼火燒白楊昔
人未為泉下客行到此中曾斷腸

意語足色
自當得簡

輕薄篇

豪不必馳千騎雄不在垂雙鞬天生俊氣自相逐出與
鵬鷗同飛翻朝行九衢不得意下鞭走馬城西原忽聞
燕雁一聲去回鞍挾彈平陵園歸來青樓曲未卒美人
玉色當金尊淮陰少年不相下酒酣半笑倚市門安知
我有不平色白日欲落紅塵昏死生容易如反掌得意
失意由一言少年但飲莫相問此中報讐亦報恩

蟠塔
雁落

登夏州城觀送行人賦得六州胡兒歌

六州胡兒六蕃語十歲騎羊逐沙鼠
沙頭牧馬孤雁飛
漢軍遊騎貂錦衣雲中征戍三千里
今日征行何歲歸
無定河邊數枝柳共送行人一杯酒
胡兒起作和蕃歌
齊唱嗚嗚盡垂手心知舊國西州遠
西向胡天望鄉久
回頭忽作異方聲一聲回盡征人首
蕃音虜曲一難分
似說邊情向塞雲故國關山無限路
風沙滿眼堪斷魂

不見天邊青作塚古來愁殺漢昭君

登天壇夜見海

朝遊碧峰三十六夜上天壇月邊宿仙人攜我搴玉英
壇上夜半東方明仙鐘撞撞近海日海中離離三山出
霞梯赤城遙可分霓旌絳節倚彤雲八鸞五鳳紛在御
王母欲上朝元君羣仙指此為我說幾見塵飛滄海竭
竦身別我期丹宮空山處處遺清風九州下視杳未旦
一半浮生皆夢中始知武皇求不死去逐瀛洲羨門子

五言律詩

喜見外弟又言別

十年離亂後長大一相逢
問姓驚初見稱名憶舊容
別來滄海事語罷暮天鐘
明日巴陵道秋山又幾重

三四驚
異絕倒

晚春卧病喜振上人見訪

卧牀如舊日窺戶易傷春
靈壽扶衰力芭蕉對病身
道心空寂寞時物自芳新
旦夕誰相訪唯當攝上人

四語身物迹
當可堪憔悴

附送柳判官赴振武 邊庭漢儀重
旌甲似雲中
虜地山川壯
單于鼓角雄
關寒塞榆落
月白胡天風
君

逐蝶姚將麒
麟有戰功

附喜入蘭陵望紫閣
峯呈宣上人 薤草開
三徑巢林喜一枝
地寬留種竹
泉淺欲開池
紫閣當疎牖
青松入壞籬
從今安解陋
蕭相是吾師

七言律詩

同崔邠登鶴雀樓

鶴雀樓西百尺檣
汀洲雲樹共茫茫
漢家簫鼓空流水

魏國山河半夕陽
事去千年猶恨速
愁來一日即為長
風煙併是思歸望
遠目非春亦自傷

淺迫

送校書賈弇東歸寄振上人

北風吹鴈數聲悲
况指前林是別時
愁草不堪頻送遠
白雲何處更相期
山隨匹馬行看暮
路入寒城去獨遲
為向東州故人道
江淹已擬惠休詩

五言排律

宿馮翊夜雨贈主人

危心驚夜雨起望漫悠悠氣取殘燈暗聲繁高樹秋涼
軒辭夏扇風幌攬輕裯思緒蓬初斷歸期雁暫留關山
藹已失臉淚迸難收賴君時一笑方能解四愁

歸期雁暫留
語何輕嫩

附府試古鏡 舊是秦時鏡今藏古匣中龍盤初掛
月風舞欲生風 石黛曾留殿朱光適在宮應祥知道
秦鑑物覺神通肝膽誠難隱妍媸信易窮幸居君子
室長願免塵蒙

五言絕句

江南詞

嫁得瞿塘賈朝悞妾期早知潮有信嫁與弄潮兒

惜春傷同幕故人孟郎中兼呈去年看花友

畏老身全老逢春解惜春今年看花伴已少去年人

鷓鴣詞

湘江斑竹枝錦翅鷓鴣飛處處湘雲合郎從何處歸

七言絕句

沐河曲

汴水東流無限春
隋家宮闕已成塵
行人莫上長堤望
風起楊花愁殺人

夜上受降城聞笛

回樂峯前沙似雪
受降城上月如霜
不知何處吹蘆管
一夜征人盡望鄉

聽鳴角

繁霜一葉落庭蕪
吹角當城漢月孤
無限塞鴻飛不度
秋風卷入小單于

落意
高遠

送客還幽州

惆悵秦城送獨歸，
薊門雲樹遠依依。
秋風莫射南來鴈，
從遣乘春更北飛。

奉賀武相公春晚聞鶯

蜀道山川心易驚，
綠窻殘夢曉聞鶯。
分明似雪文君恨，
萬怨千愁絃上聲。

宮怨

露濕晴花春殿香
月明歌吹在昭陽
似將海水添宮漏
共滴長門一夜長

隋宮燕

燕語如傷舊國春
宮花一落旋成塵
自從一閉風光後
幾度飛來不見人

唐詩鏡卷三十四